

OPIS POSLOVA I ZADATAKA

Eksterni evaluator

A. Pozicija:	Eksterni evaluator
B. Mjesto rada:	Bosna i Hercegovina
C. Projekat:	Resursni centar za bh. civilno društvo u procesu evropskih integracija BiH
D. Trajanje projekta:	10. 10.2018. – 9.10.2022.
E. Trajanje zadatka:	Trajanje zadatka je od potpisivanja ugovora do završetka trajanja projekta
F. Referentni broj:	2018/400-916-3

Pozadina

Centri civilnih Inicijativa i Agencija za saradnju, edukaciju i razvoj uz podršku Evropske unije sprovode projekat pod nazivom “Resursni centar za bh. civilno društvo u procesu evropskih integracija BiH”.

Zakonski okvir kojim se reguliše civilno društvo u BiH je afirmativan i u skladu sa međunarodnim standardima. Ipak, i pored značajnog poticaja u oblasti izgradnje kapaciteta civilnog društva u proteklom periodu, tehničke vještine organizacija civilnog društva (OCD) još uvijek nisu na zadovoljavajućem nivou. Općenito, njima nedostaju vještine analitičkog razmišljanja, istraživanja javnih politika i razvojne vještine kao i moderne tehnike zagovaranja. Često je prisutna loša koordinacija mreža OCD, te je njihovo funkcionisanje u mnogim slučajevima neefikasno i bez dogovorenih ciljeva i jasnog plana rada.

Shodno tome nedovoljno je razvijena vidljivost OCD kao i njihov uticaj u javnosti, što negativno utiče na javni imidž OCD-a, saradnju sa vlastima/poslovnim sektorom, te na prospekte održivosti civilnog društva, čime se ograničava potencijal za diversifikaciju izvora finansiranja OCD. Projektom će se na identifikovane probleme odgovoriti nizom edukativnih i konsultativnih aktivnosti, istraživačko-analitičkih i zagovaračkih aktivnosti kroz tri stuba:

a) Prvim projektnim stubom razvit će se odgovarajuća infrastruktura i logistika Resursnog centra, koji će imati kapacitet da velikom broju lokalnih OCD pruži alate, znanja i resurse potrebne za razvoj zagovaranja, analitike i sektorski-relevantnih pregovaračkih vještina potrebnih za učešće u politici i socijalnom dijalogu. Očekujemo da se poveća stručnost i reputacija civilnog društva u BiH, a posebno u kontekstu procesa pregovora države sa Evropskom unijom. Resursni centar će ciljati lokalne

novonastale organizacije kojima je potrebno osnovno jačanje vještina, ali i iskusnije organizacije civilnog društva kojima su potrebne napredne vještine i razvoj specifičnih znanja.

b) Projekat je usmjeren i na unaprijeđene perspektive održivosti OCD-a u BiH. Provedbom aktivnosti u okviru ovog stuba želimo diversifikovati izvore sredstava OCD-a u BiH, ali i unaprijediti saradnju između OCD i javnih institucija u kontekstu evropskih integracija. Kroz ovaj stub projektom će se snažno promovisati volonterizam kao opcija koja je otvorena i poželjna za bh. građane svih životnih dobi, kako bi u što većim kapacitetima doprinijeli dobrobiti svoje zajednice i cijelog društva. Afirmativnije okruženje za rad i razvoj OCD planira se ostvariti i kroz oživljavanje javnih prostora u općinama, koji bi bili dati na raspolaganje pod jasnim uslovima i kriterijima (transparentnom i pravednom postupku) što većem broju OCD na korištenje. U konačnici, kroz tako unaprijeđen položaj OCD, planirani projektni rezultat je i formalizacija „mehanizma saradnje između institucija i OCD-a u kontekstu evropskih integracija u BiH“.

c) Treći projektni stub fokusira se na razvoj sektorskih inicijativa za usklađivanje zakonodavstva BiH sa EU Acquis Communautaire i na široko promovisanje potrebnih reformi usmjerenih na EU. Cilj je jačanje javnog znanja o potrebnim koracima, procedurama i strukturama u procesu pridruživanja EU i informisanje građana BiH o konkretnim učincima reformi usmjerenih na evropske integracije na njihov svakodnevni život.

G: CILJ PROJEKTA

Glavni cilj projekta je doprinijeti povećanju angažmana organizacija civilnog društva u BiH u procesima odlučivanja, posebno u pogledu evropskih integracija BiH, a koji će se postići na sljedeće načine: (a) jačanjem kapaciteta OCD (uključujući i aktiviste) da postanu kompetentni, samostalni i prepoznati sektorski akteri u predstojećem procesu pregovora između BiH i EU, (b) unapređenju institucionalnog okvira u BiH kao katalizatora razvoja OCD i efektivne saradnje sa institucijama u BiH i (c) jačanje zamajca reformi usmjerenih na integraciju BiH u EU.

H: DJELOKRUG RADA

Evaluacijom od strane vanjskog evaluatora trebali bi se analizirati glavni nalazi i preporuke u vezi sa sljedećim specifičnim ciljevima:

1. Procijeniti učinkovitost projekta (tj., stepen do kog su ostvareni navedeni specifični ciljevi ili stepen do kog se mogu ostvariti)
2. Procijeniti održivost projekta (tj., vjerovatnoća da će se projekat nastaviti nakon završetka podrške donatora – finansijska, organizaciona, programska, te nivoa na kojem se donose odluke)
3. Procijeniti relevantnost projekta (tj., primjerenost aktivnosti i korišteni metodi u vezi sa potrebama i situacijom u BiH)
4. Procijeniti efikasnost projekta (tj., poštivanje planiranog vremenskog okvira i korist aktivnosti s aspekta troška-vrijednosti)
5. Procijeniti koherentnost projekta (tj., vanjska i unutrašnja koherentnost)

Od evaluatora se također očekuje da identifikuje glavne nalaze u vezi naučenih lekcija na projektu kao i koje se to najbolje prakse, ukoliko postoje, mogu identifikovati i koristiti u budućem radu.

ZADACI I PROIZVODI

ZADACI	Indikativni broj planiranih dana ¹	Specifični proizvodi
Zadatak 1: Izrada Plana evaluacije zajedno sa kriterijima evaluacije, pitanjima evaluacije i povezanim indikatorima za svaki navedeni specifični cilj. U Planu evaluacije će se projektnom osoblju osigurati instrukcije za sprovođenje procesa prikupljanja podataka.	20	Plan evaluacije projekta
Zadatak 2: Pružanje neprekidne podrške menadžmentu projekta u oblasti evaluacije.	40 (10 dana po projektnoj godini)	Izvještaji o podršci evaluatora menadžmentu projekta u oblasti evaluacije
Zadatak 3: Izrada Privremenog izvještaja evaluacije nakon 24 mjeseca realizacije projekta u kojem će se menadžmentu projekta ponuditi preporuke u vezi potencijalnih usklađivanja aktivnosti planiranih u drugoj polovini projekta.	30	Privremeni izvještaj evaluacije
Zadatak 4: Izrada Finalnog izvještaja evaluacije.	30	Finalni izvještaj evaluacije
Σ	120 dana	

I. AUTORSKA PRAVA

Sadržaj podataka dobijenih tokom angažmana je podložan zaštiti i vlasništvo je CCI-a. Ni jedan dio takvog sadržaja ne smije se koristiti prema trećim stranama bez saglasnosti vlasnika. Korištenje sadržaja je moguće i opravdano samo u okviru aktivnosti projekta koji se realizuje.

J: IZVJEŠTAVANJE

Ekspert će dostaviti zahtijevane proizvode (plan evaluacije projekta, četiri (4) izvještaja o podršci pruženoj menadžmentu projekta u oblasti evaluacije, privremeni i finalni Izvještaj evaluacije) u skladu sa planom definisanim u okviru ovog Opisa zadatka. Svi izvještaji će biti sačinjeni na engleskom jeziku.

K: Vrijednost ponude

¹ Broj radnih dana neće biti osnova za mjerenje rada eksperta ni za plaćanje. Naveden je isključivo u cilju informisanja o okvirno potrebnom vremenskom rasponu za isporuku ugovorenih proizvoda koji će biti mjerilo rada i osnova za plaćanje

Vrijednost ponude ne smije preći bruto iznos od 21.600 EUR. Cijene moraju biti fiksni iznosi izraženi u valuti EUR, moraju uključivati sve dodatne troškove neophodne za ispunjenje rezultata ugovora i neće biti predmet ispravke. Troškove nastale tokom pripremanja i dostavljanja ponuda snose ponuđači i ne mogu se naplatiti.

L: Vremenski plan i uslovi plaćanja

Objava tendera	CCI	17.01.2019.
Zatvaranje tendera	CCI	07.02.2019.
Odabir ponuđača	CCI	12.02.2019.

Uslovi plaćanja:

Rezultati	procenat
Po potpisivanju ugovora	10%
Plan evaluacije projekta	40%
Privremeni izvještaj	30%
Izrada finalnog izvještaja	20%

Sljedeći proizvodi/rezultati će se dostaviti CCI-u:

Proizvod	Indikativni vremenski rok
Plan evaluacije projekta	15.03.2019.
Izvještaji o podršci menadžmentu projekta u oblasti evaluacije	31.12.2019. 31.10.2020. 31.10.2021. 30.06.2022.
Privremeni izvještaj evaluacije	30.11.2020.
Finalni izvještaj evaluacije	30.09.2022.

M: KVALIFIKACIJE EKSPERTA

Kvalifikacije i vještine:

- Diploma završenog fakulteta (gdje je diploma dodijeljena nakon završetka trogodišnjih studija na univerzitetu ili ekvivalentnoj instituciji)
- Izvrsno poznavanje lokalnog jezika

Opće profesionalno iskustvo:

- Najmanje 15 godina općeg radnog iskustva
- Najmanje 10 godina iskustva u radu na projektima finansiranim iz sredstava međunarodnih donatora ili međunarodnih organizacija

Posebno profesionalno iskustvo:

- Najmanje 3 godine iskustva u oblasti upravljanja projektnim ciklusima;
- Najmanje 3 godine iskustva u oblasti monitoringa i evaluacije projekata
- Najmanje 3 godine iskustva u oblasti rada civilnog društva

Kvalifikacije i vještine kao i opće profesionalno iskustvo su eliminatorni elementi pri ocjenjivanju. Za kandidate koji ispune ove kvalifikacije, posebno profesionalno iskustvo biće ocjenjivano u skladu sa tabelom:

	3 godine	3-5 godina	Više od 5 godina
Posebno profesionalno iskustvo:			
Godine iskustva u oblasti upravljanja projektnim ciklusima	1	2	3
Godine iskustva u oblasti monitoringa i evaluacije projekata	1	2	3
Godine iskustva u oblasti rada civilnog društva	1	2	3
Bodova po kategoriji			
Ukupno bodova			

Najboljim ponuđačem smatraće se onaj koji ispunjava sve kvalifikacije, opće radni iskustvo, ima najviše bodova za posebno radno iskustvo i najnižu finansijsku ponudu.

N. Način i rok za dostavljanje ponuda

Svi aplikanti zainteresovani za dostavljanje ponuda moraju najkasnije do 07. 02. 2019. u 16.00 sati dostaviti sljedeću dokumentaciju:

Da bi se uzeli u razmatranje, ponuđači koji ispunjavanju uslove profila će u koverti dostaviti sljedeću dokumentaciju:

- CV eksternog evaluatora,
- 2 reference s kompletnim podacima za kontakt
- Finansijska ponuda za pružanje usluge (na obrascu koji je sastavni dio ovog poziva)

Ponuda se mora dostaviti putem pošte na sljedeću adresu: Centri civilnih inicijativa, Ludviga Kube 7, 75 000 Tuzla (Napomena: Aplikacija za poziciju Eksternog evaluatora).